

海  
秋  
詩  
集

海秋詩集卷之九

益陽湯鵬海秋撰

九懷詩

併序

古人往矣悲如之何然而事蹟斯存神理不斷今其時矣盍古其人今其人矣盍古其懷爰祖屈原九歌之義拉雜成詩曰管夷吾曰公孫僑曰諸葛武侯曰周公瑾曰王景畧曰狄梁公曰郭汾陽曰司馬溫公曰王陽明是爲九懷上曰左邱明曰屈靈均曰賈太傅曰司馬子長曰揚

子雲曰杜少陵曰韓昌黎曰柳子厚曰蘇子瞻  
是爲九懷中曰介子推曰魯仲連曰梅子真曰  
申屠蟠曰梁伯鸞曰龐德公曰陶淵明曰陳希  
夷曰林和靖是爲九懷下曰望諸君曰鴻夷子  
曰張子房曰汲長孺曰孔文舉曰阮嗣宗曰李  
青蓮曰岳少保曰楊椒山是爲九懷補悲夫懷  
之云者洸洋而無際纈紛而無緒侗侗惶惶而  
不可名其爲殫智效勇匡主庇民史錄其功士  
壯其遇我是以有九懷上共爲乖心忤意憂讒

畏譏高不見援卑不見與我是以有九懷中其爲飄飄凌雲洋洋樂天有足乎內弗願乎外我是以有九懷下然而事不可了懷不可止言之不足又長言之長言之不足又詠歌而嗟歎之我是以有九懷補昔者孔子不得中行輒思狂士孟子又推孔子之所謂狂者以告萬章曰其志寥寥然曰古之人古之人夫人一日不對古之人則鄙吝叢生繆戾坌集與其敝敝無甯寥寥懷哉懷哉惡可已哉

九懷上

端居想幹濟。尙論天下才。藪藪夷吾賢。坦坦桓公懷脫囚。登上相釀浴。三喪襄山高。與乘馬理博事已該。偉茲一匡績。恕彼三歸臺。王威積辱弱。霸業未全非。臯夔固已矣。管晏良難哉。馬不厭飛掣。士不厭傑魁。孔氏稱其仁。此理吾所歸。管夷吾。

造化雖綢繆。不廢雷與霆。美哉公孫僑。執政秉厥成。水懦遜火烈。濟時斯崢嶸。寬猛心所調。謗譽耳已并。鷺鳥不擊。羣坐視黃雀。爭妍媚市仁。義汝汝弛紀。經不見執。

殺歌易爲誰嗣情東里有遺愛縹渺吾淚橫

公孫儷

百年成大木巨室誰能貸不見武鄉侯慷慨隆中對漢  
祚固三分臣志惟翼戴炯炯誓死生洸洸秉威愛才匪  
蕭曹侔氣與伊呂再總觀三代後參天一鼎鼐當其耕  
南陽名實躬已逮聖有先知幾賢有豫定概滄海不厚  
蓄焉能潤百代念彼齷齪者塌然摧肝肺

諸葛武侯

蘭菜本異植瑜亮貴並生亮固治西蜀瑜亦江東行娟  
娟王佐資君臣如弟兄升堂感故禮撫背成今情義除  
漢家威氣撼曹公兵亮哉上下交德業罔不成明月不

受翳康衢不塞荆豁然去猜疑千載垂英名

周公瑾

丈夫負奇畧與世爲轉旋以此捫蝨才方彼臥龍賢誠  
誠桓公忌瞞瞞秦王憐女爲悅已盼士以得勢驕平燕  
旣拾芥定蜀如轉圜垂死念江南戒兵淚潺湲可憐淝  
水敗不補邱山愆生雖盡其才死不用其言嗟嗟老成  
人典型安可捐

王景畧

艱危見天則涇渭不可淆翹翹狄梁公惴惴武后朝一  
言返廬陵中外歌且謠譖然薦柬之唐室終以卒鉤日  
於虞淵五龍夾飛翱老臣苦用心內洞外已鞠方其委

蛇時肯涉瞰與曉松桂無浪蕊鵬鸞匪泥巢不受風雨  
顛功業如山高咄嗟硜硜士所察乃毫毛

狄梁公

大廈支一木豈不孤且忌峩峩郭汾陽優游有餘地外  
擔再造艱內洗纖嫌累誠收回乾兵悲感朝恩淚堂堂  
社稷臣懔懔安危寄下以收奔走上以弭灾異倚賴苟  
區區憎淫結朋比何由被蒼生悲風攬獨寐

郭汾陽

陰陽一驕蹇剝極始復蒙興言元祐朝首相司馬公皇  
天固祚宋儒術斯逮躬新法盡剗革至治希麗鴻垂歿  
進入紙輪誠酬兩宮室以一鴉壞國以一賢崇洗彼介

甫愚亮茲君實忠安危在轉移進聰乃退聾

司馬溫公

武臣常苦麤儒臣常苦弱矯矯新建伯談兵吐芒鎔逋  
寇肆追奔叛藩窮就縛勳高銅柱齊興遠綸巾薄稟德  
真謙冲執樞動寥廓仁經而義緯振此濟時畧迂哉講  
學徒吹毛工擊搏尙文實委靡臨事乃錯愕太公有戎  
韜及時自研推放當爲世用卷當樂其樂

王陽明

九懷中

寡識物莫忌多聞數易窮悲哉左氏盲此理吾其蒙光  
光內外傳博物搜鴻濛巧言而匿怨好惡聖所同秉躬

備仁智乃類曠與曠鶯有碎羽愁驥有蹶蹄終豈惟人  
事拙未見天體工雪涕仰空歎弔古將何從左邱明

荃蘭不療饑泊羅甯洗愁哀哀楚大夫萬古爲悲秋九  
歌衆莫辨一死吾何求甘此魚腹葬了彼蛾眉憂可憐  
懷沙賦庶幾聞者羞生諫畏蒼蠅死諫投清流春風媚  
蕡菜秋風槁梧楸梧楸空自長蕡菜一何柔蹙蹙宗邦  
運翩翩黨人謀旣醉不可醒誰令厥疾瘳屈靈均

才奇莫上書年少莫出羣跼跼賈生狂嘈嘈漢廷嗔可  
憐治安淚送此遷謫因薄恩竟何奈孤意難重陳湘水

多悲風紛紛。愁殺人。菜施濶。蘭澤。蠻橫。鯨鱗。賽裳弔。  
屈原一去已百春。情深致往復。量狹來悲辛。白日自有  
光大道。自有鄰烏虞。絳與灌。何足撓我真。

賈太傅

讀書負意氣。義高論崢嶸。試辨李陵冤。乃遭巷伯刑。身  
殘獨抑鬱。囹圄春冥冥。生闕麟臺重死慙鴻毛。輕文采  
不表見。誰辨渭與涇。軒轅迄今茲。筆削良所爭。烏虞著  
作儔。例皆憂患嬰。羑里囚可歎。尼山尼屢更。學析天人  
奧。筆與風霜并。未論一朝辱。且希千載榮。

司馬子長

出門憇縞粉。閉門甘澹泊。至哉揚子雲。風雨秋蕭索。太

元析眇幽法言守迂闊。鎮今貴無營。睨古庶有託。緬惟  
新莽年。羣情競騰躍。白駒逐塗軌。紫鸞窺簾幕。性因塵  
埃。拋躬以圭組。縛誰能守奇字。外苦內逾樂。大隱隱朝  
市。小隱隱邱壑。深思介推田。不異子雲閣。揚子雲

陶潛慨黃唐。杜甫方契稷。俛仰一何高。時會不我卽。白  
頭授拾遺。抗疏反沈抑。情因朋友厚。義與君王塞。淒淒  
華州貶。悄悄永陽僻。塗窮感羈旅。義正存輔翼。烏虜忠  
孝姿坐爲。饑寒逼飄零。老詞章奔走。死荆棘扳岱。貴窮  
巔。觀海宜歸極。誰謂一言非。乃失萬夫特。杜少陵

桃李何豔豔松柏不改青吁嗟韓夫子忠直由天生救  
民弔瘡痍斥佛排崢嶸徒然落冤讐未足補聖明寰寰  
陽山去汨汨潮州行林棲鵠鵠惡海踢鯨鰐狂時情各  
自媚升沈飽所更獻長塗有先蓋短理無傾反笑鷹鵠  
愚誰懲狐鼠橫孔性戒勿欺孟氣期養成大哉原道篇  
本末齊六經觀古得其源高義垂青冥

韓昌黎

皎皎明月出漫漫浮雲侵太息柳柳州懲咎一何深伾  
文非吾黨交游墮幅峯昔爲膠與漆今爲瓦與琛悔往  
急如擣補來勤可欽士生一世間駛若風吹林遭難乃

刻苦著作蹈深沈。淒愴抱絕筆。飄颻厲貞心。猿猱挂我  
牖。魑魅窺我襟。了了悟險易。真意斯潤淋。柳子厚

盤盤鷺飛天。喋喋蚊成雷。哀彼蘇先生。覩閱何多哉。草  
麻坐毀謗。詠檜遭嫌猜。飘零南海踪兀傲。西湖杯才豪  
氣不餒。性適情已該。晚逃支遁禪。誰爲稷契媒。猶惟二  
聖朝。旁求廊廟才。彌縫臨川是。構造眉山非。梟鸞不並  
巢。桃桂不連枝。挺挺復何憾。淟涊非天懷。蘇子瞻

九懷下

艱辛氣易合。貴盛情已捐。姑置重耳疎。深思介推賢。心

遠身將隱焉。問醜與妍。貪天衆。眇眇遯世余。翩翩黃鵠  
一萬里。高風不可援。誰謂船中盟。可方絲上田。惜哉龍  
蛇歌出處。形憂煎亮非當時。懷泯滅夫何言。介子推

東飛鳩與鴟。西飛鶴與鵠。矯矯魯仲連。不爲羣情縛。心  
希莊周賢。辨奪田巴弱。救趙更存齊。才名動寥廓。男兒  
負倜儻。老死豈爲樂。稍稍樹時棟。悠悠遂天爵。誰能學  
縱橫。金帛滿囊橐。富貴有榮枯。貧賤無美惡。飄然東海  
躋身世。獨斟酌。魯仲連

讀書不希榮鍊性復何想。恨恨梅子真直言。鬱慨慷上

褒箕叔忠下懲呂霍罔沽名非所云義激情逾弱時人  
不察識孤鳴竟飄蕩蹉跎釁遂增縹渺跡安放渴飲九  
江流餓拾會稽椽人生有遠懷惄今不知曩妻子尙可  
捐况彼塵中鞅

梅子貞

潛魚笑罟師冥鴻謝弋人蟠也遭厄會味道守其真環  
顧太學生議論何斷斷心希擁篲譽黨錮來悲辛高名  
動見尤多言豈所珍慘慘俊傑哭荒荒桎梏因誰在梁  
陽間草屋甘暖堙方逃蔡邕薦豈屑苟爽羣譽亦不驟  
得毀亦不遺臻知幾以爲寶吾道甯淄磷

申屠蟠

居山不厭深。取妻何用嬌。賢哉梁伯鸞。舉案如吹簫。聊以耕織樂。永此夕。與朝心。隨四皓。游跡避五侯。驕人生亦何求。棲神在逍遙。巧言謝囂訕。默坐忘劬勞。但費椎髻婦。憫憫勤所操。炊黍積晚煙。釀秫流香醪。相對有真意。悲喜何能消。還理五噫歌。束縛匪吾高。梁伯鸞

幽居燭萬物。安危了可論。蒼蒼龐德公。亹亹心不羣。仰觀鴻鵠高。俯察鼴鼴馴。各有棲與宿。何必要路津。春風多浮花。朝夕已塵埃。前期儻失次。後悔難重陳。言採鹿門藥。勝樓峴山雲。白石扣我杖。清波濯我巾。旣去肯更

返長屈何用伸冥冥自終始難告世上人

龐德公

離離乘華軒靡靡寡道要逸哉彭澤令不受五斗誚飄如雲行空朗如月在照長歌歸去來展此東皋嘯天命固奚疑人事尤可料爭塗積今忘量力悔前躁良苗爲我新美酒與我好大笑世上浮誰折杯中奧當其獨得時醉醒兩不校肫肫懷葛民千載一淳妙

陶淵明

猿鶴不異性僊隱豈殊科我思挾搖子山居舉薜蘿酒以慰饑渴詩以蠲煩奇心知黃白術老矣鬢不皤悄悄謝人事盈盈得天和不見紛紛者春風嬌佩珂甘肥斲

海國言集卷之二  
軀命零落歸邱阿林泉多壽考古意今已呵蟬蟠笑龜鶴安知我與他

陳希夷

曉曉商山芝嫋嫋孤山梅旣供黃綺還伴林逋懷怡情考墳典問姓羞塵埃結廬西湖西湖水相與揩不藏封禪藁誰譬茂陵才烏虜終南徑久爲賢者非理以生死要情因清濁乖執持貴有恒突兀固無儕悄悄抱金石已矣何念哉

林和靖

九懷補

鷺鳥盤天飛襄衷中路間哀哉望諸君暴露擢心肝平

齊豈矜功走趙斯汗顏受謗安敢貳報恩苦不堅哉哉  
七十城得喪如循環烏虞騎劫愚未足當田單用賢敵  
所畏用愚敵所歎明察不在中支撑亦徒然還顧黃金  
臺羞悔安可言望諸君

知愚苦不逮判若壤與胥吾觀鴈夷子江湖得逍遙逍  
遙豈足矜旃醢匪所高憎騰大夫種七衡乃傾撓念當  
嘗瞻年折節傾賢豪患難理有加安樂心易驕國勢如  
浮雲變幻不可要狡兔死更生蜚鳥去仍遭不見甬東  
哭誰復壯夫椒哀彼烏喙人厥鑒長混淆鴈夷子

天運方踏駁劍俠相邀遊子房結力士鍊椎奪萬牛小人鬪私憤君子重國讐狙擊中副車慷慨心未休遭逢隆準公布衣至列侯強秦燄已滅帷幄恩已酬願乘人間事赤松爲我儔烏虜紛紜際出處義已偷未知韜與畧翩翩孤白裘福爲人所盡禍爲人所羞沉思辟穀理可以消繁憂

張子房

小人曲如鈎君子直如絃未見百鍊剛化作繞指然堯堯汲長孺犯顏以爲貞心知儒術詐面數刀筆愆烏虜武帝才曾不鏡媸妍公湯日已貴長孺乃遁道遁道非

所厭直節安可捐老成有典型長慕傅與袁汲長孺

江河苦多魚多魚來網罟君子厭重名重名致齟齬耽  
耽曹司空跔跔孔文舉生命苦不辰迺與蚊虻伍捷哉  
郗路奏呀呀如猛虎免官罪已苛夷族毒彌苦乃知末  
流世豪傑亦無補道高廣薦達運塞競猜拒方忌顏回  
來誰惜仲尼去正傾而邪昌天道憾何許孔文舉

憧憧禪中蠶焦滅極可憐嗣宗獨放誕弗就繩墨牽外  
託酣飲名內韜白與堅醉拒求婚請狂草勸進篇洸洋  
咏懷詩天機脫雕鏤未知意所斥其出有餘妍濁世苦

易激清流苦易愆。海風吹波濤。一葦難因緣。弱羽張彊懷。哭兀來。踏顛太。息中散狂未若嗣宗賢。阮嗣宗

鳳皇生崑山下厭束與縛。飄飄謫仙人。瞻矚小寥廓。始結六逸遊。繼遂八仙樂。千篇忽揮灑。斗酒但斟酌。棲棲忝幕僚。荒荒挂矰繳。倚賴郭汾陽。一言滅哀悽。烏虞管鮑死。反覆來輕薄。貧常喜遨遊。踰險紛銷鑠。汾陽實人情。娟娟記疇昧。乃知大賢風報施。心騰躍垂訓後來人。慎莫負然諾。

李青蓮

途長知駿馬。世梗見賢人。誰謂漢勢偏。諸葛揚其勲。誰

謂宋祚竭乃有岳家軍驍騰郾城戰兀术窘且奔中原  
歛可復片紙殺其身或乃告班師班師固忠醇勿犯干  
秋譏庶使寸心存申生恥逃遁屈子甘沉淪取義良在  
斯賊檜何足云皇天照其血后土收其魂哀哉文武才  
報國空嶙峋岳少保

熊羆吼深林鷹隼騰高秋喟喟椒山瞻蚺蛇何足投一  
鸞困幾死百鸞培不休竄斥耿忠憤姦險同仇讐嵩黨  
爭下石趨悍橫戈矛風吹枷鎖香就死吾無訛有明稱  
制來得失吁可求劉魏兩大蠹鈐山成三鶩赤血濺縉

紳元氣成瘡痏曾是塞忠規徒以老奸謀奸謀不可料  
忠規如可求重理十罪稿涕泣紛雨流楊椒山

海秋詩集卷之十

益陽湯鵬海秋撰

五言古詩

獨坐懷葉潤臣四章

亭亭芭蕉葉。豔豔石榴花。豈不被我庭。中心有所嗟。念當去。束縛變化爲雲霞。拂君芙蓉衣。照君碧窗紗。哀哉泥潦橫咫尺。天一涯。欲往且復還。涕下如層波。

昨日慙爲虐。今日雹爲灾。讀書不濟時。愁思無由開。顧此頭上霜。一髮千裘裹。少壯能幾何。老大行可殆。我有

白玉醑副以黃金罍長醉不用醒萬事委去來

古人苦銷沈今人苦離索以此方寸心積苦多於樂願開北海樽載廣公孫閣好士亦天性匪祈名譽博青天高寥寥黃雲昏漠漠安得同志子晨夕展談謔

荃蘭不言香其香滿八區娟娟靜者姿外潔中有餘昨日貽我詩字字垂瓊琚未知今所得當與昨日殊薰風兮薰風爲我導雙魚上言情寸陰下言葆令軀

山阜成門望西山

綿藐發幽想浩落當清秋未知蚍蜉爭頤結麋鹿游步

出西南門蒼翠盈我眸。天高露晴崿樹密藏颺颶峩峩。  
神京臂杳杳羣仙阪松喬亦人情雲霞爲我留作僞理。  
豈長抱眞時何求手舉三秀草可以療繁憂。

登石經山觀渾河

振衣上層岑天青路頗險峭碧何巉巉枯紅尚戇戇悲。  
風起蕭蕭落葉紛冉冉雖謂所歷高繕性詎無忝乃知。  
崔嵬難弗若滄洲善迢迢桑乾流朝宗歲以漸願言載。  
遠游一葦用鵠勉蓬萊覲安期不我以瑕玷。

由栗園莊度羅睺嶺

山行無常程。路轉得村莊。石棲爲我怒。蘿帶爲我長。離離雞犬聲。鬱鬱桑麻香。兒童各自得。弗問客何方。喧靜有端倪。俛仰生慨慷。後顧林窈冥。前登天莽茫。嶺直雲盤梯苦。深秋隱光靨。狹狹啼層枝。蟲蛇逼征裳。我行何到此。陟降千回腸。遭物屢驚愕。伏機得徜徉。旣秉謝公達。豈效阮生狂。出險而入平。君子甯不詳。

至潭柘寺取徑觀龍潭

將將午時鐘。苒苒山中寺。藹藹松陰交。淙淙泉響至。山僧導我行。一筇破蒼翠。念彼神物姿。竊此深潭鑽。潭中

何所有朱魚各自媚潭外何所有怪石紛可跂不聞龍  
吼殷但見泉流瑟冷然洗我心于焉獲攸墮

曉登延清閣遠眺

夜枕泉聲眠曉聞禽語響山光似眩變人意彌疏爽起  
登殿東閣遠寄塵外想遙遙藤蘿垂縹緲猿猱往風折  
礮砧平雲納隅隈廣上有瓜牛廬下有壺公杖屏物外  
無營鏡理中何固誓當老山椒行歌破蒼莽

從慧聚寺往觀化陽洞

踢秋秋苦冽訪寺寺苦深取道十八折楓櫟鋪霜林經

聲明可揭鹿跡微難尋借問化陽洞枯藤瘦欵峯龜寒  
石乳結蟲老苔窠侵手炬照膚疲眼花眩莫禁自古有  
憂患茲游亦陰森收身還前途汗下霑衣襟

將登極樂峯尋孫臏黃蓮臥佛諸洞不果

鯨牙君莫觸虎尾君莫騎誰謂山谷間進退職其宜瞻  
彼極樂峯天荒洞慘淒壞蘚巢蝙蝠獐麟嘯魑垂垂  
藤倒墮磣磣石半欹將前而更郤似豁乃大迷人生不  
滿願滿願非福綏夸父跡勿踐精衛力終疲攀躋何必  
窮聊以慎吾儀

戒壇觀九龍松

乾坤無安排山谷迴且工潭柘自有泉戒壇自有松種  
松溯何代老幹蟠九龍下枝蔭厚地上枝摩太空豈不  
羅霜雪長此千歲容青龍倚其頸黃鶴棲其中人生貴  
所適天性焉能蒙逐羣理固塞習靜神逾充願從蒼官  
游時與偓佺逢飽餐茯苓脂長爲黑頭翁

登千佛閣望諸山

秋空氣增寒山長足易繚安得上上頭四遠紛可辨快  
哉千佛閣排闥萬峯轉巖深樹輪囷嶂崿雲婉彎東垂

朝日升西納夕飈。斂纖毫見鳥道。妥帖出簾點覽物。情已拳卽趣理惟展似。從鹿門來未覺。磻溪遠築室。環梧楸垂竿狎苔蘚。哀彼塵士人。曷不肆遐勉。

至翠微山登大悲閣

旦夕索幽異。心目交徜徉。山山自相對。閣閣自相當。臨虛聳高壁。眺遠來寒光。俯見千里豁。仰承一氣蒼。天地在指掌。卓犖觀陰陽。空林寂無人。此理吾其詳。

從香界寺往觀寶珠洞

暮從翠微腳。旦上翠微頭。娟娟寺中花。瑟瑟洞口秋。寶

坊屹無敵古木枝相樛松果雜鳴鶴石骨擰蟠虬濕雲  
寒人衣佇立心悠悠似騰徑寸光錯落與目謀合浦誠  
歸來明月耻暗投卽此鏡貪廉豈謂徒遨遊

晚還龍泉庵坐池上玩月

快馬貪塗橫倦鳥投林靜茲遊頗勞瘁端坐得孤迥方  
池廣且深藤蒲夾菱荇清波有徐興黃昏出餘景仰瞻  
女與牛河漢秋耿耿蟾蜍爲我光舉杯發深省天機對  
嬋娟人事歸酌酌時間松風來幽意一以永

循山徑歸至清涼寺小憩

閒閒入山雲活活出山泉登高固自卑既往亦有還誅  
茅計未可支策聲已吞山靈揖我別白日烟荒然回頭  
眺峻崿寄意餘纏綿琴留琮琤響衣帶颸颸痕鳥爲自  
悲鳴風爲涕飄翩豈不戀巖谷苦被人事牽傍惶得梵  
隱煮茗療憂煎嗟爾白頭僧未知我拳拳

思七子詩

并序

七子翩翩皆風雅才生而支離固已奇矣杳杳  
泉路抑更悲焉愛而不見情繫乎詞作思七子

詩

茲同志子意氣重瓊玖各秉特達才雲霧吞八九山海  
不厭大金石不厭久持此炯炯心酣歌對樽酒

樽酒何纏綿我懷鬱多端譬彼江與河奔流安可言賈  
誼旣上書楊雄復草元上書多苦心草元私自憐人生  
亦何常魚潛鳶在天咄咄靈均恐九歌空浩然  
浩然無畔岸心與春風颺春去昔已悲春來今洋洋東  
皇知我愁梅柳爲我行及此人日新旨酒盈我觴時引  
平生交醉醒俱徜徉廣川有三策何必排天闕

天間高峩峩風雲自開合忝茲鷺鷺班覬彼麒麟閣心

長苦羽短未有涓埃答。鬱鬱千言韜。荒荒雙鬢颯。歲華慨奔騰。道力恥捭闔。行當守其愚。生涯在茲榦。

茲榦自有酒。青春自有懷。勞心視萬態。慨嘆從中來。日稽陶與阮。豈直樗散材。聊託鞠蘖名。逍遙無是非。黃鸝翔萬里。弓矰何所開。古人不我欺。痛飲良最哉。

最哉亦何事。千秋以爲終。有酒慰飢渴。有詩溯國風。漢魏暨齊梁。正變浩無窮。逶迤唐宋間。障川誰之功。高凌千仞岡下哂。一椽宮焉能學管窺。無由控鴻濛。鴻濛具元氣。下界誰當見。我思古之人。前壽後殷古。

近雖有殊聖。凡惟所薦。置我於其間。心苦涕如綫。拳拳

告我友。有酒頻用勸。一酌洗憂煎。再酌大懼忭。

酬孔宥函比部八章

五行結秀氣。化爲雙鳳凰。一落淮海東。一遵衡與湘。矯  
矯勵羽翼。飛飛來帝鄉。和鳴抱古意。百鳥不能詳。百鳥  
匯無聲。鳳凰信有行。遨遊雲霄中。下顧多慨慷。

君詩秋空雲。我詩江間波。江波摶長飈。秋雲耿明河。覽  
古詞章家。厯厯有殊科。根柢苟不實。枝葉安足多。勤哉  
同心子。正變在觀摩。勿取一時譽。千載當如何。

人生不相似。相似亦適然。爾我並爲郎。蹉跎今有年。少壯如流波。雙鬢忽已顛。回思人間事。鞭策苦不先。猛驚生恐懼。低回就拘牽。弗爲人所豔。徒爲人所憐。

今晨樂何事。春風扶我行。盈盈一樽酒。與子敘平生。走山莫騎虎。入海莫掣鯨。去常而就險。尤悔紛合併。攬衣起彷徨。出語復吞聲。且盡杯中物。休論世上情。

萬物紛浮囂。精理獨不磨。寸心貴醞釀。吐之以聲歌。長歌旣窮窪。短歌亦婆娑。此樂在古今。豈復知其佗。實至內可思。名浮外則那。哀哉金張輩。各已埋山阿。

泰山雖云高。嵩恒長。配之青松挺千尺。旁有薦蘿枝。人生感氣類。道大無端倪。長爲駢穗蘭。勿爲獨蘭絲。子兮不我夸。我兮不子私。炯炯百年心。安有窮已時。

青春滿天地。花柳相簸揚。此時不飲酒。萬感集我腸。古來糟邱人。獨立在蒼茫。念當去。眸睸痛飲以爲狂。哀哀行路中。枘鑿誰能忘。小人自隙末。君子樂其常。

勞勞重勞勞。一歌君子行。宛轉塵埃中。握手開我情。照我以白日。贈我瑤與瓊。豈不感燕婉古義。還用呈虛舟。知江廣。老馬知塗橫。三復他山詩。交游垂典型。

寄鄧湘臯學博四章

南國有雙鳥。毛羽何麪筆。一棲故山隅。一倚天之涯。馳  
書若不達鏡。心靡有他。各理千秋事。願得名其家。屈宋  
久微茫。蛙鼴紛疵瑕。奇哉雙鳥鳴。風雷入哈呀。寸心有  
滂沛。萬象爲萌芽。不憾知者寡。但問道如何。勤勤採蘭  
芷。庶以銘無邪。

赤驥一萬里。中塗生險巇。不如白鷗鳥。浩渺於江湄。白  
鷗與天游。赤驥爲人悲。念我俛仰間。華髮彫離離。支吾  
取蹭蹬。兀兀慘悽安。得一茅屋與子窮幽棲。朝聞好

風來暮與白雲期。莊生誓曳尾。此理當吾欺。

誰謂煙霞微所尚。得衆妙彬彬。鄧夫子山居精典教。遺文就菟羅。元氣啟奧窯。當其下筆時。百川爲奔導。哀哉。今詞伯乃雜耕。與釣長詠龍鸞。騫弗滋猿鶴。笑高義。不可刪古光。長在照君看。木槿妍未若。松柏傲千秋。以爲寶。旦夕何足校。

鴻雁何飄飄。東西南北間。念子無兩翼。安得相往還。豈無盈樽酒。亦有鳴琴彈。酒以佐懽欣。琴以滌煩冤。惜哉。不可得道危氣類。單汲汲。觀古今。迢迢恨山川。夢寐有。

酒未言集  
卷一  
十一  
端倪歲月無回旋。長恐齒髮盡。覲面終無緣。寫茲憫欵。  
辭涕落如奔湍。

贈姚梅伯孝廉五章

海墻有一士。其貌窘且單。衣無罿。飴溫柱無五味餐。兀然發長嘯。心苦涕淚繁。豈不惜涕淚。其如吾道艱。鳳凰矜五色。下羞燕雀頑。燕雀長飽煖。鳳凰長飢寒。食茶甘如薺。顛倒無窮年。巫咸兮巫咸。何時下人間。

謂天不汝憐。謂神不汝好。我思冥漠中。此理常皦皦。東園有桃李。紅白相窈窕。西園有松柏。鬱鬱傍叢篠。松柏。

語桃李慎莫厭我爲歲寒守端正君子所依歸貧賤自有是富貴自有非是非勿重陳重陳心苦悲

我懷山陽子

潘四農

其人賢已老炯炯抱奇文汲汲存古

道譽汝于我前璠璵以爲寶本無涇與渭焉得不式好有酒盈我樽有魚在荇藻烹魚不厭鮮飲酒常苦少凱風來自南吹我情縹紺酣嬉委大化萬事何足討拔劍一崢嶸其氣淒青天窮愁鞭古心乃得千萬年顏氏寄簞瓢樂道以終焉馬遷亦發憤文采高勝騫證昔理在握眩今情遂遷哀哀腥腐中誰能辨愚賢小人逐

其末君子志其全。生當勵吾事。死當壽山川。

朝作攜手行。暮作攜手行。萬蘿附松柏。遙此纏綿情。借問客。何爲欲語吞其聲。古人不可作。今人莽縱橫。一步十崎嶇。憂患靡有程。長念追風驥。弗若出谷鶯。追風易蹶蹄。出谷但和鳴。千秋萬歲後。誰其寒我盟。

寄楊杏農孫芝房兩孝廉七章

鬱鬱沅湘道。迢迢武陵舟。馥馥香蘭花。飄飄波上鷗。蘭以結網。繆闊以伴遨遊。此樂無窮年焉。知去與留。回念人間世。塵土無時休。美人如雲霞。可望不可求。

人生不相識。枘鑿難爲懷。忽忽通情話。兀兀喪哀皇。  
靈無阿好今。昔同才鄒魯。方前騫賈董。斯後來崢嶸。  
吾所愛。坎坷吾所哀。荒哉枳棘中。鸞鳳誰其媒。

濛濛一青天。白雲東西之。蘇李始離別。哀歌是我師。  
君爲揚風蓬。我爲倣霜枝。蓬飛無端倪。枝存亦參差。  
安得騎鴻鵠。握手慰相思。鴻鵠非人情。相思無已時。

結交交苦少。逃名名苦多。挺挺寄孤尙。紛紛竟如何。  
南山有松柏。蹇枝蔽山阿。其下尋斤斧。摧厥根與芽。不憊  
斤斧橫。但爲松柏嗟。悠悠古之人。與我同悲歌。

今人逐一瞬。古人銘千年。千年金石固。一瞬桃李妍。  
桃李笑。金石不汝以。周旋方結新者歡。誰爲故者憐。於虛  
黯澹中。古道相纏綿。窮當樂其樂。達當踐其言。

入珍且勿具。紈縞且勿陳。山中煙與霞。豔長千春寒。  
汝藤蘿衣飽汝。蕷薯餐時見漁樵。人蹋歌相往還。忘機  
樂在中。稟性寡所偏。厯厯去來事。瑣屑何足言。

盈盈一樽酒。獨醉難爲醒。矯首雲山外。二妙繫我情。我  
情日已竭。我淚日已橫。長恐者將至。嘉會不合并。願呼  
安期生。贈子以瑤瓊。名模龜鵠。年無與。蜉蝣爭。

荅葉潤臣五章

趙瑟且勿作燕竽且勿從允矣騷雅才古意蟠心胥長  
唶續短唶萬變同一宗娟娟屈宋淚洋洋大楚風荃蘭  
在人間哀怨何時終我比荃蘭根君比荃蘭容古容匪  
今豔古根匪今崇長當執此義不與賛葉同

勞勞視萬態往往得參商中情苟不屬羽翼難頡頏我  
友二三子聚散恒無旁聚如雲與龍散若蓬飛揚褰裳  
不得往天高路蒼茫回風吹我淚毒霧塞我腸願以獨  
孔針繡作雙絲裳此意無人知出入增徊徨

橋東有一士。結宅避塵鞅。左圖而右書。觀理得其養。時爲商歌聲。聽者咸慨慷。匪祈聽者知。但愁歌者枉。一歌鳳凰來。再歌麒麟往。麒麟何儀儀。卑走墮榛莽。鳳凰不竹實。飢鳴訴飄蕩。棄置勿重陳。豁然視天壤。

山嶽豈不厚。江海豈不深。連理及比目。未若君子心相識。自蚤年相賞。在新陰曲折。備人事和平達。天音文章。貴有託許。與難爲淫。朝看鸞在梧。暮看鵠在林。何以結綢繆。願爲君子衾。何以通神明。願爲君子琴。

火雲何崕崙。溽暑不可開。離離四野歛。禾黍枯根荄。君

來扣我門清風盈我懷不願盈我懷願廣爲霖才讀鵠  
厲羽翼出入雲霄隈男兒無柄藉束縛于塵埃塵埃苦  
易老心腸苦易回寫我百年憂惟有葡萄醅

再答潤臣七章

大雅日陵替懷抱誰爲開君詩挾風雨灑灑蟠空來初  
尋無端倪三復情理該理如金在鎔情如岑與苔勞生  
坐憇直外物今已灰子贈我瓊瑤珍重千衷衷  
人心比明月孰智而孰愚人心或榛梗明月長空虛娟  
娟君子姿真想天與俱時還進所業古近證在余春夏

多好風槐柳爲誰舒酌我十千杯報子以區區

古人疾沒世今人競目前家家抱荆玉夸世以爲妍暮天而席地此態神所憐弗結屋漏懷誰能守其真嫫姆自齷齪西施自嬋娟但用存本性無爲名譽纏

今晨爨我裳步出城西道芙蓉擢清池一一向我好道旁雙角童樵歌出林篠借問所聞見弗外魚與鳥鳥高矰繳非魚深網罟小念此怡我情脫然忘枯槁

鄒魯不湮沒大義垂青天下暨荀爽揚說道各有篇惜哉同異紛不爲古所憐泥古遺其神變古塞其源落落

文章家勉勉還慎旃貴泯當時爭庶先後代傳  
交交出谷鶯蕭蕭盤秋隼鸞曲而隼直此意吾所近言  
以潢潦微願作江河引推落塵埃中肝膽自矜閔咄嗟  
此肝膽不與塵埃盡生當裏風霜死當化芝菌

枯菀君勿問修短我勿求願以一樽酒送此千萬愁伊  
古坎坷客厯厯築糟邱下不埋溝壑上不倚斗牛時興  
素心人醉醒兩不謀百年但如此樂矣其無休

答李梅生七章

枰梧一何短梧桐一何長斯人亦今人中有古肝腸脫

然去忌諱。貽我新詩章。上言屈宋死。荃蘭爲誰芳。下言雙鳳凰。羽翼相颉颃。哀哉此意深。一步千傍徨。

太行生康莊。呂梁不可行。君子重氣類。焉得不分明。昨日膠漆人。今爲縱與橫。悲深弗敢訴。炯炯含古情。我有一樽酒。願爲斯人傾。我有綠綺瑟。願爲斯人鳴。湛湛長河水。悠悠千載流。千載亦微茫。寸心長合并。

古人如星辰。其光長在天。今人讀詩書。同此仰顰嘵。彼黃河流。誰問崑崙源。源源自尊寒。水流流自還。出門忘南北。有懷無由宣。藹藹同心子。厯厯相策鞭。愛至去。

然疑進銳忘後先我欲竟此樂難具言

皇靈產萬氓孰賢而孰否往往豪貴人詆蕩無不有朝披紫綺裘暮進黃封酒結交許史間熏天勢在手樂亦不可覬悲亦不可狃放意於太虛氣豁理彌厚時還草我元未知覆誰瓿寥寥斯人賞豈謂吾生苟

人生亮何恃旦夕枉自妍步出北郭門纍纍冢可憐冠珮委塵埃姓字埋霜烟借問冢中枯瑣屑難爲傳山當俯五嶽水當納百川孔氏集大成俎豆無窮年

南山有松柏千歲一光彩下視木槿花朝榮而暮萎咄

嗟行路子于何取模楷願爲曲者先弗爲直者解案頭  
古銅鏡照見寸心在匪求寸心明但恐削真宰煌煌北  
指杓汨汨東歸海叮嚀爲汝言不我以悲駭

食茶不如薺種櫓不如桑言持白玉佩報予以輝光願  
君長識察古意在心腸發爲婉轉歌天地久低昂彼  
蒼蠅聲鶴鶠嘲鳳凰我當變化之子兮爲我將

再答梅生七章

萬鎰弗彫琢未由發輝光懿此挺特姿欵欵登我堂搜  
奇日有富送難誰能量江河剗崩豁蛟龍夾披猖伊古

有餉遺衆獻非獨償咄咄昌黎翁未見籍湜僵

日余鮮樹立哀樂積中年淒淒悼前猛炯炯戒後警風  
雨自有聲文字自有權逶迤鉛槧閒聊以適吾天近觀  
竊自得遠引何足言翹翹古之人行行難比肩

青松有附枝黃鳥亦和鳴周旋於氣類庶以通吾誠入  
門討古初出門集羣英同異森在辨妍媸故自呈願以  
鐘與呂爲子揚其聲靡靡削鄭衛淳淳達韶韻  
五嶽各崢嶸九河互澎湃天地有結構變化出奇怪古  
人非今人古藻非今繪願言屏窠臼衝突于其外文字

如雲霞朝夕不一能刻舟以求劍忘靈其能奈

驛驅駕長風一日一萬里念子方勤勞其進不可已耿耿一燈檠肅肅千詩美慷慨天爲青愷悌神所喜楚何必屈宋漢何必蘇李斯人在吾前騷雅其有以

獨鳥依高樹啾啾聲苦乾下羨在沼魚羣戲孤蒲間丈夫志文字羽翼求其援賞析雖分外理爲心所安豈惟當時重庶免後代刊掬此樽中月與子長團圓

登高望四野輪蹄似流波去者不可追來者其爲何潭潭五休門賓客紛綺羅誰念斗室中古道相觀摩古道

弗厭豐同志。弗厭多溯彼鄒魯。曾俛仰心咨嗟。

梅生過訪不值

今晨迫事役。僕僕泥潦中。回飈吹我衣。赤日焦我容。豈不厭勞苦。簿領亦我功。傴俛向前路。偏側無時終懷哉。青衿子。飄飄若冥鴻。雖知面譚稀貴用。心理同。

團團明月光。皎皎照窗牖。沈沈結魂夢。慘慘執君手。明明在我前。忽忽在我後。思心繚繞之。焉知然與否。平生爲離索。鬢髮成老醜。東西南北間。契闊靡不有。孤鳴惜絃琴。獨酌慙杯酒。願君再至止。庶以慰吾厚。

人生不相見何必天涯。哀此咫尺間。天晚黃雲斜門。  
東雨楊柳枝葉紛交擎。君來若爲迎。君去含咨嗟。豈無  
新詩歌賞析。匪自他翦燈。照古心涕墮。如秋花。

梅生再過訪不值

菲菲曾雲合。剗剗靈景開。迢迢雨黃鵠。各自東西飛。  
東亦無與偕。西亦無與偕。舉頸遙相望。五里一襄襄。  
人生稟知識。何者爲樂哀。甚欲敘殷勤。誰分當離乖。  
爰以兩行淚。滴向階上苔。苔蘚猶有情。吾意其能回。

貧居無兼味。杯柈情有餘。酒濁人自清。魚枯人自腴。  
念

當慰留子古。昧相歡娛方慕劉阮超。豈辭懷葛懸童子垂五尺。禮意常區區。客去倦遮留。客來那知趨。搖搖午薰盡。冉冉夕暉。俱似聞空中音。雜沓鳴瓊琚。

哀禽思平林。倦馬厭長道。念子如幽人。來往以爲好。風吹古衣巾。露裛新詩藻。飄飄人間世。兀兀挺孤造。枯菀匪所爭。聖凡還用討。真意苟在茲。誰謂氣類小。有廬倚蒼槐。有香出叢篠。心心告明月。可以送懷抱。

出南西門至尺五莊飲酒偕梅生作限問柳尋花

到野亭爲韻

鴻鵠厭樊籠。性與青冥近。凌晨稍休暇。選地得清峻溪。  
壑向我流林巒爲誰襯。仟仟遠樹橫。靄靄平田潤。黃鳥亦天然。交交匪常韻。乃知塵埃中。無此爛霞分。真意斯已。逢何必巫咸。問

巫咸。弗下天杜康。爲我友。雖知愁。無終聊以進。杯酒繁。  
昔阮與劉。一醉千不朽。委蛇廻蘖中。情真理亦厚。溪風舉美蘂。簷日挂楊柳。青松在我前。幽篁在我後。及茲不誤湯。勝事焉能久。酣嬉極所如。庶用寬老醜。  
老醜不我悲。榮華不我淫。但願飲我酒。旣醉且復吟。娟娟

娟同志子天機一何深居有偕賞析出必同鑿尋時還  
歌我歌當風揚其音我歌懨頭水君歌雍門琴未諭千  
載後兩心且酌斟哀哀此兩心悠悠古與今

古今一旦暮人命如風花道旁蕉葉冢松柏紛交擎借  
問冢中骨枯苑靡等差生爲園林主死爲行人嗟翠篠  
媚新日古苔封舊霞流水何潺潺夕陽亦橫斜旣盛固  
有衰自我安問佗耽飲醇酒取樂其無涯

無涯亦無始萬感逆秋到朝歌猛虎行暮歌龜山塗心  
興傳袁侔迹寄稽阮傲鴻漸亮未能鶴退固所肖上爲

溪上。游。斗。酒。相。慰。勞。爛。醉。不。爲。非。薄。飲。亦。攸。好。亭。亭。笑。  
蓉。花。濯。濯。理。泥。淖。用。此。捐。我。憂。逍。遙。以。高。蹈。

高。蹈。與。天。游。一。真。祉。萬。假。炯。炯。酌。壺。觴。悠。悠。傍。溪。野。魚。  
戲。東。西。蓮。燕。識。春。秋。社。時。見。遠。村。人。漁。樵。用。自。寫。未。知。  
姓。與。名。心。情。相。嫋。嫋。願。言。結。幽。棲。猿。鶴。紛。來。下。

猿。鶴。挂。高。蘿。鷄。犬。眼。空。亭。亭。午。不。知。夏。蘆。葦。搖。秋。聲。褰。  
衣。向。前。林。慘。慘。何。冥。冥。願。逢。松。與。喬。或。騎。麋。鹿。行。松。喬。  
豈。無。儂。麋。鹿。信。有。情。桃。源。迹。匪。迷。瀛。梁。意。已。并。人。生。苦。  
束。緹。外。欹。貴。內。平。與。子。敘。斯。游。持。謝。塵。土。橫。

此日足可惜一首答梅生並效昌黎雜用陽庚青

東冬注韻

此日足可惜此別不可忘大梁里有千念子以慨慷北  
風吹子書高義洗秕糠子書良愛我副以詩四章書以  
敘典型詩以訴衷腸繙發嘹喨其音楚以清味之若  
醇醪一飲千日醒念彼造化者配物以權衡鳳必求凰  
爲蛟必與螭并惜哉鳳蛟儔每每各西東久離方聚首  
稍懼更悽愴子兮初入燕頭角故不長出語已驚人杞  
梓自成行勤和老夫詩雷霆發精靈一鳴天下白誰測

李賀。囊飛章未云數。隨侍南海邦。海闊颶風驅。鱸尾捎長虹。五羊不可騎。鵠鵠鉤輶行。流涕望子歸。子留事則攬高堂。懸使節。子不得。遄征三年。乃還燕。握手尋前盟。子齒未及冠。有作皆琳琅。示我海上詩。洪濤拍天狂。問我官如何。翦燈說行藏。我讀汲黯傳。不願師陽城。以此坐擢挫。心苦汗如漿。苒苒老。將至。詩歌千。徜徉。謂我古意吞。彼文通江子。謂我秋懷嗣宗。不能雙子。謂我九懷。左思走且僵。子謂我放歌。屈宋之古香。謂我孤鳳篇。天問高韻頑。謂我忼慨篇。哀豔。逼利唐。謂我古歌謠。導。

源擊壞翁謂我和衆操退之宜望洋謂我四言詩出入  
雅頌風譬彼芟與痴嗜者難爲名肝膽爲我青風月爲  
子償入坐我書館出蹣郊西東搖搖槐柳花吹傍古衣  
裳溪雲貼芙渠引一葦杭子亦問白鷗白鷗潛若忘  
栗留翩兩三將集而更翔黑風忽吹雨敗葉聲怒撞蘆  
葦舉芭蕉顛倒相披猖須臾得止息草蟲鳴深堂仰視  
高樹巔萬喙來蜩螗爰以兩巨刃縱橫掃入荒抉山擎  
虎兕治水囚鯨鱗時復斂猛摶婉嫕諸官商深者入窈  
冥高者上穹蒼玉皇教兩人三千年一鳴不鳴義未可

鳴之佐紀綱或乃嫉蛾眉咄咄騰雌黃子固變化之余亦厭校量古來盛名下伯仲恒可逢周詩因爲五蘇李揚其聲建安樹曹劉李杜興于唐元白亦駢肩列及宋蘇黃有明三百年曰何李李王念彼造化者酌物以權衡鳳必求凰爲蛟必與螭并惜哉鳳蛟儔每每各西東久離方聚首稍懽更悽愴清河左逶迤嵩少右崕嶸豈不美山川懷子愁難降豈示隋形影魂魄來惆悵晝食不及飽夜輒轉在牀子如失上雲來往無恒旁我如龍頭水嗚咽誰禁當報子以長篇詞馨意莫詳

兩生行贈劉詩橋蔡小漁

孔顏跡已堙。師友義莫屏。今我歌兩生。梧桐擢株梗。劉生起畿輔。筆力射光景。下塞唐宋芬。上汲周秦纓。驛轡走雷霆。絢爛削梅杏。古意蟠於胸。外恭中罔罔。蔡生產滇南。軀幹偉天挺。不能什伯中。低徊就畦町。冥搜閻閻奧。獨秀馳鋒穎。豈徒食千蹠。遲須扛九鼎。兩庄在人間。大道不灾眚。識塗馬有先。擇木鳥斯幸。摵衣升我堂。晨夕以疑請。初如赴敵場。矛戟森精整。揮霍變化闊。了了見要領。漸乃騰大荒。沈滲匪人境。猿狹郤乍前。萬里扼。

東阿

一逞鬼斧夾神工。雕鐫中繁肯日月爲。兩燭陸離出彪炳。  
嘉此掞天才。金石與之併。天寒霜霰號室陋。衣裳靜薄酒。儻可斟粗飯。豈應哽惜哉。豚大姿。謂阿窮年坐井近。稍芟雲蘿側。睨河漢影。又如巢中鷹。新雛帶奇警。送以聞。鬪風未爲鳥雀等譽之。吾敢辭鞭之令。自省兩生翼其間。磨礪切扶拯。曷哉此意深。感謝至摩頂。桃李不厭馨箕裘。從所秉。韓門昧金根。郊島憤結瘦。東坡鑄秦黃。斜川祚亦永。鏡古有明徵。懷今得孤耿。酒酣吐微。

詞庶用蘇醞酌。

村行三首

驅車向前村。村中有好秋。不聞黃葉落。但見綠草稠。長  
風入蘿薜。古霞在松楸。負薪三兩翁。去去無回頭。願投  
草屋宿。開樽話田疇。幽賞不我偕。汙下如泉流。

攀尋不能休。村古寺亦古。寺中四翠柏。滄桑鎮幾許。其  
餘雜花卉。簇簇含秋雨。枯僧本人情。爲我好言語。入寺  
結綢繆。出寺復容與。吾生信坦夷。誰能送齟齬。

一邱復一邱。一壑復一壑。近牽溪口牛。遠放山頭鶴。斯  
意與物偕。好風爲我作。不辨東與西。循塗但約畧。心閒

得從容。脚健穿冥漠。乃知蜀道悲未若。桃源樂。

寄挽郭笙榆恭人四章

併序

吾友李石梧觀察之妻郭笙榆恭人賢而工詩。梓其梧笙館唱和集佳句如林。忽捧笙榆訃。問傷湖湘名聞中失此才也。笙榆嘗命其子梅生學詩於余次子。又吾婿存歿之際不可無哀挽。

之章

白雲何迢迢。中有雙鳳皇。雄飛毛羽豐。雌飛頓挫傷哀哉。梧笙館夕陽慘。不黃笙兮委泉澗。梧兮色悽愴。緬想

潘黃門悲風撼空牀今人亦古情今情比之長日月有時竭金石有時荒念彼伉儷重千秋以爲常

湖湘鬱騷脈發揮不可了斯人閨閣姿豔豔鋪才藻鏤金出芻蕘行神入縹渺工拙在經營縱橫得奇巧肯讓蘇蕙能儻比班昭好造物忌雕鏤焉得長壽考美哉唱和集流傳不枯槁

井臼弗爲辱圭組弗爲榮惜哉斯人賢甘苦炯自呈念當巖居日古意在釵荆蠻屈實有年虎嘯方奏聲歡言侍君子婀娜上崕嶠忽然捨之去控鶴以遐征鶴下不

可返僊亦不可名風寒天模糊惡耗筭分明

慈烏生三雛畫荻勤訓誘大雛挺奇傑筆力射牛斗中  
雛吾東牀小雛亦瓊玖時命從我游黽勉意良厚豈惟  
重姻亞實用禮師友木高風易擇女淑命偏咎爲詩敘  
悲憐庶以銘不朽